

## **Paulunê papia gêdêḡ lau PILIPĪ**

Paulunê papia gêdêḡ lau Pilipi nec ḡac tau keto gêjac Gôlôac ḡamataḡa, taḡ eḡ kêwaka sa aḡga masaḡm Airopa naḡ ḡawae. Malac Pilipi gêc Macedonia, taḡ lau Rom sêjaḡgo su kêtḡ nêḡ gamêḡ naḡ. Aposolo gêḡgôḡ kapoacwalô, tec keto papia tonec. Eḡ gêmoa tonê ḡalêlôm ḡawapacgeḡ gêdêḡ ḡasawa tonḡ gebe kômwaga ḡagêdô sêsôm sêôc ênê biḡ auc ma mêtê dansaḡ kêpi sa aḡga gôlôac Pilipiḡa, tec kêkêḡ wapac eḡ gêwiḡ. Mago biḡ têtac ḡajam to têtac êpa suḡa gêjam papia tau auc, ḡam kêsêp Paulu kêkêḡ gêwiḡ Jesu Kilisi tonḡanôgeḡḡa.

Paulu keto papia tau ḡamanô tonec gebe ênam danḡe lau buḡa aḡga Plllpl êtu gêḡ, tê sêsakiḡ gêdêḡ eḡ nêga. Êsêac sêpuc eḡ tôḡ gêdêḡ têm, taḡ eḡ gêḡgôḡ jageo naḡḡa. Eḡ gêlic gêḡ gwalêkiḡ kêlênsôḡ eḡ tau to êsêac gêwiḡ amboac taḡ, tec keto biḡ êpuc êsêac têtac tôḡḡa to awa eḡgeḡ êsêacḡa ma ôliḡ andaḡ Anôtôḡa kêsêp papia tonec gêwiḡ-gêwiḡ. Go gêjam neneḡ êsêac gebe sêmboa to tetoc taḡ sa atommaḡ, sêkêḡ taḡ sêsô Kilisi ḡalabu tosêmbu taḡgeḡ. Eḡ gêôḡ biḡ tonec sa gêdêḡ êsêac taêḡ ênam êtiam gebe sêsa nêḡ lêḡ têtôm Kilisi gêbiḡ êsêac tôḡgac nê, ac taḡ sêwê kaiḡ kêtḡ sêmasaḡ Judanêḡ biḡsu totaḡem wamugeḡ ma sêjop êsêacnêḡ om to gêḡ ḡagôliḡḡa atom, Anôtônê moasiḡ gêdêḡ êsêac tec sêgôm. Ma moasiḡ tau gelom êsêac kêtḡ nêḡ sêkêḡ gêwiḡḡageḡ. Gocgo keto têtac wapi to biḡmalô, taḡ Anôtô gêsḡḡ ḡaômageḡ gêdêḡ lau,

tañ Kilisi gêbiñ êsêac tôñ nan, ñawae gêdênj êsêac amboac tonanjen.

Lau buña sêkênj êwiñ to sêsa nêñ lênj totêntac wapigenj ma totêntac êpa sugenj ma sêngôm to sêoc nêñ genj sênsinj sugenja ñabinj gêjam sêga anja papia tonec ñalêlôm. Paulu tau têtac gêwiñ gôlôac Pilipiña ñanôgenj nan kêtû awê anja papia tau gêwiñ.

### **Nadênanj**

1. Paulu gêjac m papia tau 1:1-11
2. Paulu tau nê biñ ñagêdô 1:12-26
3. Dambinj taunj tôñ tamij Kilisiña 1:27–2:18
4. Paulu gêwa Timote agêc Epropoditi nêñ kôm ñam sa 2:19-30
5. Paulu gêjam ja lau buña gebe sejob taunj êndênj ñacjo, tañ sêmoa dêmôênja to gêñ gêdib êsêac gêc lêlômña nan 3:1–4:9
6. Paulu to nê lau Pilipiña 4:10-20
7. Paulu gêjac mata papia tau 4:21-23

### *Paulu gêjac m nê papia*

<sup>1</sup> Kilisi Jesu nê sakinwagaagêc Paulu agêc Timote ma biñ êndênj Anôtônê lau samob, tañ Kilisi Jesu gêbiñ êsêac tôñ sêngôñ Pilipi nan, ma êndênj gejobwaga to sakinwaga êwiñ. <sup>2</sup>Tamenj Anôtô agêc Apômtau Jesu Kilisi nêñ moasinj to biñmalô êndênj amac êwac.

### *Paulu keteñ mec kêtû lau Pilipiña*

<sup>3</sup> Aê gajam danje ñoc Anôtô kêtôm têm samob, tañ taêc gêjam amac nan. <sup>4</sup> Kêtôm têm samob, tañ kateñ ñoc mec kêtû amac samobña nan, kateñ totêntac ñajamgenj, <sup>5</sup> gebe ñawae ñajam gêô lasê amac wakucgenj, tec ajam ñakolenj awiñ aê amoa e

mênghédên galoc. <sup>6</sup> Aê kajala kêtû tôn gebe Anôtô, tañ gêjac m kolen njam tau anga nê m njalêlôm nañ, oc ênac dabin kolen tau êndên Kilisi Jesu nê bêc. <sup>7</sup> Aê taêc gêjam amac gêc ñoc njalêlôm napan, tec gagôm jagédêngeñ gebe taêc gêjam bin tonan kêpi amac samob. Nam gebe gédên tañ gêngôn kapoacwalô to gédên tañ gamoa awê ma gajam nawae njam kêsi to kapuc mêtê tôn nañ, amac awê kain moasin, tañ Anôtô kékên gédên aê nañ awin. <sup>8</sup> Aê gajam aoc su amac samob nam kêsêp Kilisi Jesu nê taê walô aêacña. Anôtô kējala gebe kasôm binñanô.

<sup>9</sup> Aê kateñ ñoc mec tecenec gebe Nê m têtac gêwin ñanô esewec napan ma ajala gêñ to awa gêñ samob êkôc e napep, <sup>10</sup> ec ajala gêñ njam tau ma amoa tonê m njalêlôm nakênkên ma tolanômnê m sawagen e êndên Kilisinê bêc. <sup>11</sup> Ma binghédên ñañanô, tañ Jesu Kilisi taugen êkên nañ, ênam amac auc gebe Anôtônê nawasi to wae êsa.

### *Kilisi kêtû aêac dangôn maten jali namôké*

<sup>12</sup> O lasitêwaac, aê gabe jakên nawae êndên amac anô gebe bin, tañ kêtap aê sa nañ, kêmoasin nawae njam ñanôgen. <sup>13</sup> Sinwaga tañ sejop gôlinwaganê andu nañ, to lau ñagêdô samob sêjalagac, gebe aê gêngôn kapoacwalô kêtû Kilisiña. <sup>14</sup> Ma ñoc kapoacwalô kékên lasitêwai taêsam, tañ Apômtau gêbin êsêac tôn nañ, sêkên gêwin napan kêsâ, tec têtêc tau ñ atom ma sêsôm Anôtônê mêtê lasê totêntac kêpa sugen.

<sup>15</sup> Lau ñagêdô sêwa Kilisi sa kêtû têtac sec to têtac nandanña, mago ñagêdô tec sêjam mêtê tonên njalêlôm njamgen. <sup>16</sup> Lau tau tonan sêgôm kêtû

têntac gêwinja. Êsêac sêjala gebe Anôtô kêkênj aê gebe janam njawae njam kêsi. <sup>17</sup> Lau njagêdô ônê sêsôm Kilisi lasê tonênj njalêlôm makengej atom, sêgôm kêtû tauj waenja ma sebe sêkênj gêjwapac êkônij aê êwinj njoc kapoacwalôgej.

<sup>18</sup> Biñ tonanj kêlênsônj aê atom. Aê têtac njam gebe sêsôm Kilisi lasê njalênj tokainj-tokainj. Lau njagêdô sêsau sêbanac biñ, ma njagêdô sêsôm to-biñnanôgej. <sup>19</sup> Ma aê oc têtac njam njapanj gebe aê kajala amac atenj nêmc kêtû aênja amoa, ma Jesu Kilisi nê Njalau ênam aê sa, tec gêjwapac tonec oc êtu moasinj êndênj aê. <sup>20</sup> Aê taêc kêka to kakênj matoc njanôgej, gebe gêj tenj êngôm aê majoc êsa atom. Aê jamoa matoc jali me jamac êndu, mago jangôm Kilisinê wae êsa na tauc ôlic totêtac êpa sugenj. Gêmungej gagôm, ma galoc amboac tonanj. <sup>21</sup> Kilisi kêtû njoc gêjngônj matoc jali njam, ma embe jamac êndu, oc gêmac tau êtu njoc moasinj. <sup>22</sup> Embe jamoa matoc jali anja nom êtu jatap kolenj njanô njagêdô saña, nanj oc japô lêna gebe jajalinj ondoc sa. <sup>23</sup> Biñ luagêc tonec kêlênsônj aê njanô. Aê têtac gêwinj gabe janac tauc lêtênj jamoa jawinj Kilisi, tonec tec galic njam kêlêlêc. <sup>24</sup> Mago kêtû amacnja tec gabe jangônj nom tonec. <sup>25</sup> Njoc njalêlôm kêsaê, tec kajala gebe jamoa jawinj amac samob ma janam amac sa êtu nêmc akênj gêwinja gebe atôp ma akênj êwinj totêmtac njamgenj. <sup>26</sup> Aê embe jamu jandênj amac jawac tenj êtiam, oc êngôm amac awem êoc Kilisi Jesu njanô-njanô êtu aênja.

<sup>27</sup> Biñ tagenj tonec tec gêc gebe Asa nêmc lênj njapep atôm Kilisinê njawae njam, ec embe jawac, nanj jalic me embe jamoa jaêc, go janô njawae gebe akô njanja

totêmtac tagen ma anac siñ apuc taôm tôñ êtu akênj gêwiñ ñawae ñajamña. <sup>28</sup> Atêc nê m ñacjonênj gênj tej atomanô. Biñ tonañ êwa sa êndênj nê m ñacjo gebe oc sênaña, ma êwa sa êndênj amac gebe oc aku êsêac tulu, gebe Anôtô ênam amac kêsi. <sup>29</sup> Anôtô kêmoasiñ amac kêtú Kilisiña ña lênj luagêc, tej gebe akênj gêwiñ enj, ma tej gebe aóc wapac kêtú enña gêwiñ amboac tonanjenj. <sup>30</sup> Ma siñ, tañ gêmunña alic aê gajac ma galoc anô ñawae gebe gajac gamoanaj, amac taôm anac amboac tonanjenj.

## 2

### *Lau buña sêkônij tauj têtôm Kilisi kêkônij tau*

<sup>1</sup> Amac asaê gebe Kilisi kêpuc amac tôñ me masi. Ênê têtac gêwiñ amac gêjam malô amac me masi. Ñalau dabuj gêbiñ amac tôñ me masi. Amac taêm walô to têtac gêwiñ taôm me masi. <sup>2</sup> Embe amboac tonañ, go anac dabiñ aê têtac ñajam êsa samucgenj ma anjôm amboac tonec gebe taêm ênam gênj tagenj to têtac êwiñ tagenj êmbiñ amac toñ amoa tonê m ñalêlôm tagenj ma aperiñ biñ tagenj. <sup>3</sup> Anjôm gênj tej êtu amboa taôm nê m awa to waemgenña atom. Ambu taôm to atoc lau ñagêdô sa sêlêlêc amac taôm acgom. <sup>4</sup> Taêm ênam amac taôm nê m ñênjenj atom, taêm ênam lau ñagêdô nêj êwiñ. <sup>5</sup> Amacnê m ñalêlôm êtôm Kilisi Jesu nê acgommanj.

<sup>6</sup> Enj tec katu kêtôm Anôtô, mago taê gêjam gebe inj katu tonañ tôñ atom, <sup>7</sup> kêkac tau su anja nê ñawasi ma gêjam sakiñ katu kêtôm ñamalac to gêgôm gênj samob kêtôm ñamalac sêgôm. <sup>8</sup> Enj kêkônij tau ma taña wamu ñapanj e gêmac êndu anja kakesotau.

<sup>9</sup> Kêtu bin tonanña Anôtô ketoc en sa njanô ma gê njaê, tañ kêlêlêc njaê samob su nan, kêpi en, <sup>10</sup> gebe njaê Jesu tonec oc êkêñ êsêac peben, tañ sêmoa undambê to sêmoa nom ma sêmoa nom njalêlôm nan, sêpôn aenduc, <sup>11</sup> ma imbelen samob sêsôm lasê gebe Jesu Kilisi kêtû Apômtau gebe Tama Anôtônê wae êsa.

### *Tatu nom nja*

<sup>12</sup> O ñoc lauace, gêdêñ tañ gamoa gawiñ amac nan, tañem wamu napan. Ma galoc gamoa jaêc tec anôm anac nawae êtôm tônêgen. Atêc to anam go taôm gebe anac dabiñ nêñ lêñ Anôtô ênam amac kêsiña, <sup>13</sup> gebe Anôtô tau gêjam kôm gêmoa nêñ njalêlôm ma kêkac amac gebe anôm ênê bin njanô êsa e ênac mataanô njam.

<sup>14</sup> Anôm nêñ gêñ samob tobiñ diñdiñ atom ma taêm ênam naêsa-naêsa atom, <sup>15</sup> gebe asa nêñ lêñ lanômniêm sawa tonêm njalêlôm ñakêñkêñ atu Anôtônê ñapalê mansañ, amoa lau sec to geo njalêlôm. Apô êsêac atôm utitalata sêpô gamêñ. <sup>16</sup> Andêñ mêtê mata jali tôñ. Embe anôm amboac tonañ, go awaka aê waec sa êndêñ Kilisinê bêc e êwa aê sa gebe kasa ñoc lêñ to gajam ñoc kolen kêjaiñ tauc naôma atom.

<sup>17</sup> Embe sêkêñ aê jatu da êtu amac akêñ gêwiñña, nan oc têtac njam ma jatu samuc jawiñ amac samob. <sup>18</sup> Amboac tonañ amac têmtac njam ma atu samuc awiñ aêgen.

### *Timote agêc Epaproditi nêñ bin*

<sup>19</sup> Aê taêc kêka gebe Apômtau Jesu êlôc ma jasakiñ Timote seben êndêñ amac êwac, gebe janô amac waem êpuc aê tôñ acgom. <sup>20</sup> Aê katap ñac

tenj sa, tanj taê gêjam binj kêtôm aê to kêpô sim tau kêtû amacña amboac ñac tonec nanj atom. <sup>21</sup> Êsêac ñagêdô samob taêñ gêjam Jesu Kilisi nê binj atom, taêñ gêjam tauñ nêñ binjenj. <sup>22</sup> Amac ajala gebe enj kêwaka tau sêñac, gêjam sakinj ñawae ñajam gêwiñ aê kêtôm latu gêwiñ tama. <sup>23</sup> Aê kakêñ matoc gebe jakêñ ñac tonanj êndêñ amac êwac ñagaôgenj, tagenj gabe jansaê ñoc binj e êtu katô acgom. <sup>24</sup> Aê taêc kêka Apômtaugenj gebe jandêñ amac jawac sebenj amboac tonanjenj.

<sup>25</sup> Aê taêc gêjam binj tenj kêtû tônj gêwiñ gebe jakêñ aêac lasinji Epaproditi, tanj amac asakinj enj gebe mênênam aê sa nanj, êmu êndêñ amac êwac. Enj gêjam kôm to gêjac sinj gêwiñ aê ñapep. <sup>26</sup> Ênê ñalêlôm kêkac enj kêtû amacña ma gêmoa jageo ñanô gebe amac anô ênê gêmac ñawaegac. <sup>27</sup> Binjanô, gêmac kapôênj gêgôm enj e kêsa panj sêawa, mago Anôtô taê walô enj ma taê walô enj taugenj atom, taê walô aê gêwiñ, gebe êsalê gêñwapac ñagêdô êpi aê êwiñ atom. <sup>28</sup> Amboac tonanj kêkacgenj gebe jakêñ enj wacamac alic enj, ec têtmac ñajam êsa êtiam, ma ñagêñwapac êlêwanj aê saunjenj. <sup>29</sup> Amboac tonanj akôc enj sa totêtmac ñajamgenj. Atôc lau amboac tonanj sa êtu Apômtau gêbinj amac tônia, <sup>30</sup> gebe enj kêsa panj sêawa kêtû Kilisinê koleñña ma gêjam sakinj aê gim tau su gebe ênac dabinj sakinj, tanj amac ajac m nanj.

### 3

#### *Binjêdêñ ñanô*

<sup>1</sup> O ñoc lasitêwaac, aêñoc binj ñagêdô tonec gebe Apômtau êñgôm amac têtmac ñajam êsa. Aê ôl ic

ņakam gebe jato biņ tonan êtiam-êtiam nec atom. Biņ tonanņeņ oc êpuc amac tōņ amoa ņajam.

<sup>2</sup> Ajop taôm êndêņ kolenwaga sec. Ajop taôm êndêņ êsêac, taņ sêgôm mêtê sêsa lau wauc-waucgeņņa nan. Ajop taôm êndêņ êsêac, êsêac kêam. <sup>3</sup> Aêac tec sêsa aêac ņanô. Anôtônê ņalau kêkac aêac, tec tajam sakin Anôtô ma aêac waen ņam kêsêp Kilisi Jesu. Aêac taen kêka gêņ ôliņņa ten atom. <sup>4</sup> Aê oc jatôm gebe taêc êka gêņ ôlicņa amboac tonan. Ten embe taê ênam gebe taê êka gêņ ôliņa, nan aê oc jaņgôm êlêlêc su. <sup>5</sup> Aê tonec sêsa aê gêdêņ ņabêc kêtû 8ņa. Aê ņac Israelņa ten anğa Benjaminnê gôlôac. Aê Ebolainêņ Ebolai ten, ma kamasan biņsu katôm Parisai sêmasan. <sup>6</sup> Aê kêlênsôn gôlôac dabuņ gajac ņawaegen. Aê kasa bi ņsu ņalêņ tolanôcnêm sawagen e sêlic aê amboac ņac gêdêņ. <sup>7</sup> Gêņ samob tonan galic amboac gêņ ņanô, mago galoc galic gebe gêņ ņaôma kêtû Kilisiņa. <sup>8</sup> Biņņanô, aê galic gêņ samob tonan ņai amboac gêņ ņaôma, tagen tonec tec galic kêtû gêņ ņanô kêlêlêc su. Gêņ ņanô tau gebe kajala ņoc Apômtau Kilisi Jesu kêtû tōņ. Kêtû ņac tonecņa tec gawi gêņ samob tonan ņai siņ ma galic kêtôm lêndêm gebe jakôc Kilisi sa êtu gêņ ņanô, <sup>9</sup> ma aê jatu ênê gêņ. Aê gawê kain tauc ņoc biņgêdêņ, taņ ņam kêsêp taņoc wamu biņsuņa nan, kêtiam atom. Galoc aê gawê kain biņgêdêņ, taņ ņam kêsêp takêņ gêwiņ Kilisiņa nan, biogêdêņ taņ gêmêņ anğa Anôtônê nan, ņam kêsêp takêņ gêwiņ. <sup>10</sup> Biņ tagen tonec aê gabe jatap sa gebe jajala Kilisi to ņaclai, taņ gêņu en sa nan, êtu tōņ, ma jaêc ênê ņandan jawiņ e jatôm en, taņ gêmac êndu nan, <sup>11</sup> ec moae jatap jandi anğa ņacmatênêņ



sa jawiņ.

*Talêti tapeņ ɲanô lau*

<sup>12</sup> Aê kakôc ɲanô tau su atom tageņ, ma gajac dabiņ tauc gêbacnê atom tageņ. Gocgo kapuc gedenj tîngenj tec gamoa, gabe jakôc ɲanô tau tîj, gebe Kilisi kêkôc aê tîngac. <sup>13</sup> O lasitêwaac, aê kêsaê gebe kakôc ɲanô tau tîj atom tageņ. Biņ tageņ tonec tec jasôm gebe Biņ laņgwa naņ jaliņ siņ ma japuc gwêc êtu gêj, taņ gêc aêjoc nêmnja naņgenj, gebe najakôc. <sup>14</sup> Aê kêlêti kapeņ ɲabelo gebe jatap ɲanô sa. ɲanô tau Anôtônê kalem ôņa, taņ kêkêj Kilisi Jesu kêkalem aê naņ.

<sup>15</sup> Aêac taņ tatu kwalam laņgwa su naņ, samob taêj ênam biņ amboac tonañ acgom. Ma embe taêm ênam biņ teņ eso, naņ Anôtô oc êwa sa êndêj amac. <sup>16</sup> Tageņ tasa nêj lêj tandraņguc ɲagôliņ, taņ gêwê aêac ɲapaņ e mêņgêdêj tonec naņ.

<sup>17</sup> O lasitêwaac, atêku aêmaņ ma asala êsêac, taņ sêpuc aêac wa eņ naņ. <sup>18</sup> Aê kasôm gêdêj amac kêtû dim taêsam sugac ma galoc jasôm tomatoc-sulugenj gebe Êsêacnêj taêsam sêmoa, taņ nêj lêj kêwaka êsêac sa gebe êsêac têtû Kilisinê kakesotau ɲaņacjo. <sup>19</sup> Êsêacnêj lêjtêpôê gebe sênaņa. Têntacwalô kêtû nêj anôtô ma êsêac tetoc tau ɲ sa kêpi gêj, taņ kêtôm gebe êņgôm êsêac majenj êsa. Êsêac taêj gêjam gêj nomjagenj. <sup>20</sup> Aêacnêj malacmôkê ɲanô tê gêc undambê. Tec daôj tamoa gebe kêsiwaga Apômtau Jesu Kilisi aņga tînê êmêj. <sup>21</sup> Eņ oc êpô aêac ôliņ ɲaôma laņgwa ôkwi tatôm eņ tau nê ôli ɲawasi. Eņ êņgôm gêj tonañ ɲanô êsa ɲa ɲaclai, taņ kêtôm gebe êkêj gêj samob êsô eņ ɲalabu naņ.

## 4

<sup>1</sup> O ñoc lasitêwaac, aê têtac gêwiñ to gajam aoc su amac, gebe amac tec agôm aê têtac ñajam ma atu aêñoc gêlôñ. O lauace, amboac tonañ akô ñajaña, gebe Apômtau gêbiñ amac tôniaç.

### *Paulu gêlêñ biñ lau*

<sup>2</sup> Aê jalêñ biñ awêlagêc Ewodia agêc Suntuku gebe sêmoa têtac tagen êtu Apômtauña. <sup>3</sup> Ma aê gabe jatenj aôm, ñoc ñac, tañ gôjam kôm ñañêñgenj gôwiñ aê nañ, gebe ônam awêlagêc tonañ sa, gebe êsêagêc sêjam kôm ñawae ñajamña sêwiñ aê têtôm Klemen to lau-sêjam-kôm-sêwiñ-aêwaga ñagêdo, nañ nêñ ñaê gêc buku matenj jaliña.

<sup>4</sup> Têmtac ñajam ñapanj gebe Apômtau gêbiñ amac tônia, ma jasôm êtiam gebe Têmtac ñajam. <sup>5</sup> Anôm nêm gêñ totêmtac wapôm êwa amac sa êndênj ñamalac samob. Apômtau kêdabiñçac. <sup>6</sup> Apô sim taôm atom. Gêñ tenj embe êñgôm amac, nañ atenj to atañ êndênj Anôtô todañgegenj. <sup>7</sup> Ma Anôtônê biñmalô, tañ ñam kêlêlêc kauc to kauc nomña samob su nañ, ênsôb nêm ñalêlôm to biñ, tañ taêm gêjam nañ, samob sa êkanônia Kilisi Jesu.

<sup>8</sup> O lasitêwaac, aê jasôm biñ tenj êwiñ acgom gebe Biññanô to biñ mansañ ma biñ gêdênj to biñ ñawa ma biñ tañô ñajamña to biñ ñapep ma biñ ñañêñ to piñ wae ñajamña tenj, biñ samob tonañ ñai taêm ênam êtu tônia amac. <sup>9</sup> Biñ tañ kadônia to kakêñ gêdênj amac ma biñ, tañ añô to alic aê gagôm nañ, anôm amboac tonañ. Ma biñmalô ñatau Anôtô oc êwiñ amac.

### *Paulu gêjam dançe kêtû sêkêñ genj sêjam enj sanja*

10 Apômtau kékêñ aê têtac ñajam kêsa samucgen gebe amac amoa ec ñêñgen e galoc ôlim palê kêsa kêtiam gebe anam aê sa. Amac abe anam aê sa, mago ñalêñ masi. 11 Aê kasôm biñ tonañ kêtú kapô lêna gêñña atom. Aê kadôñ tauc gebe gen ñagec-ñagec, tañ jatap sa nañ, kêtôm aê. 12 Aê kajala tapô lêna gêñña. Aê kajala danğôñ moasu ñaôña. Aê kajala gêñ samob tonañ kêtú tônia tomalagen. Ñasawa teñ aê gaen gêñ e gêoc aê tônia, ma ñasawa teñ mo gêjô aê. Ñasawa teñ aê katap ñoc gêñ taêsam sa, ma ñasawa teñ kapô lêna gêñ. 13 Aê katôm gêñ samob tonañ ñai kêtú Kilisi, tañ kêpuc aê tônia nañña.

14 Ma amac agôm ñajam gebe aoc ñoc gêñwapac awiñ. 15 Amac lau Pilipi taôm ajalagêc gebe gêdêñ tañ gawa ñawae ñajam sa kêtú ñamata ma gawi Makedonia siñ nañ, gôlôac dabuñ teñ sêpuc aê tônia ma aêac akêñ gêñ teñ gêjô tau atom, amac taômgen. 16 Gêdêñ tañ gamoa Tesaloniki nañ, amac ajam aê sa ma asakiñ gêñ kêtú dim luagêc. 17 Aê taêc kêka gebe akêñ gêñ êndêñ aêña nec atom, masi, aê taêc kêka amac gebe anam ñanô êlêlêc su e êmoasiñ amac. 18 Gêñ samob, tañ akêñ nañ, kêtap aê sa su ma gêñ tau kêlêlêc aê su. Gêñ tañ Epaproditi kêkoc anga amacnêm gêmên nañ, mênkêlêsuc aêgen. Gêñ tonañ kêtôm ñamalu ñajam to da mansañ, tañ Anôtô gêlic gêjac mataanô ñajamanô nañ. 19 Ñoc Anôtô, tañ kékêñ Kilisi Jesu gêbiñ amac tônia nañ, kêtú gêñ tolêlôm-tolêlôm ñatau tonawasi. Enj oc êkên gêñ, tañ apô lêna nañ, êlêsuc êmacgen. 20 Ñawasi êndên aêac Tamenji Anôtô totêm-totêm. Biññanô.

*Paulu gêjac mata nê biñ*

<sup>21</sup> Aê aoc gêjac Anôtônê lau samob, taŋ Kilisi Jesu gêbiŋ aêac tôŋ naŋ. Lasitêwai taŋ sêmoa sêwiŋ aê naŋ, awenŋ gêjac amac. <sup>22</sup> Anôtônê lau samob awenŋ gêjac amac, ma êsêac, taŋ aŋga kaisaranê anduŋa naŋ, taêŋ gêjam amac ŋanô.

<sup>23</sup> Apômtau Jesu Kilisi nê moasiŋ êwiŋ amacnê m ŋalau.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb